

INUIT ATAQATIGIIT INATSISARTUNI



UKA2024/30

Ulloq saqqummiivik:02.Okt.2024

Illit atit: Mariane Paviasen Jensen

**Uunga siunnersuut: Nunami inuussutissarsiutinut tunngatillugu
inuussutissarsiornermik siuarsaaneq pillugu Inatsisartut inatsisaata
allangortinneqarnera pillugu Inatsisartut inatsisissaat.**

(Inuussutissarsiornermut, Niunerneq, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Inuit Ataqatigiinniit Inuussutissarsiornermut, Niunerneq, Aatsitassanut, Inatsisit atuutsinneqarnerannut Naligiissitaanermullu Naalakkersuisup siunnersuutaannut qujalluta ima oqaaseqarfignissavarput.

Inuit Ataqatigiinni pingaartitatta ilagaat imminut pilersorsinnaaneq, nunaqavissullu assigiimmik periarfissaqartinneqarnissaat. Nunatsinni namminersulerusuppugut, taammaamat nunatta iluani nammineerlutik suliffeqarfinnik aallartitsisartut amerlatisarnissaannut periarfissarsiusineq ingerlalluartariaqarpoq. Ullumikkut pisortat suliffeqarfippassui nunatsinni annermik inuussutissarsiutaapput, inuit ataasiakkaat suleqatigiillutilluunniit suliffimmik aallartitsisarnerat nuannaarutigisaqaarput. Pisinnaanerpullu tamaat periarfissaqarfitsinni suliffeqarfinnik aallartitsiniartunik tapersersuillutalu periarfissiisariaqarpugut. Nunatta namminersulernissaminut aqqutissaasa ilagilluinnagaatut isigaarput nunatta inuisa aamma imminut pilersornerullutillu, sulisitsinermikkut nunatsinnut pilersueqataanissaat.

Taammaamat Inuit Ataqatigiinni nuannaarutigilluinnarparput Naalakkersuisut siunnersuummik inuussutissarsiornermik siuarsaanermik tunngaveqartumik, siornatigullu misileraataalluni ingerlanneqarsimasumut maanna ataavartunngorlugu inatsisiliarinissaanik siunnersuuteqarmata.

INUIT ATAQATIGIIT INATSIARTUNI



Siunnersuutigineqartoq tassaavoq inuussutissarsiutinut siuarsaaniarnermi tapiissuteqartarsinnaanermi qinnuteqarfissaasup misiliutaalluni inatsisaasimanerata maanna ataavartumik inatsisinngortinneqarnissaannik siunnersuut, taamaaliornikkut namminersorluni inuussutissarsiorsinnaanermi isumassarsinermi tapersorsorneqarsinnaanermik periarfissinneqarneq.

Taamaattorli siunnersuummi ippinnartuutitagut suliareqqinneqartariaqartutullu isigisagut ukuupput:

1. Inuuttaasup suliffimmik pilersitsiniarluni isumassarsiaminut piviusunngortitsiniarluni aallartinnermini immersugassat assigiinngisitaartorpassuit suliassarai, tamanna naqinnernik ilisarinnissinnaanngitsunut allattariarsornermilluunniit arlaatigut ajornartorsiuteqartuni ajornartorsiummik pilersitsivoq, suliffimmik isumassarsialatsialammik peqalersimasut tamarmik ikiorneqarnissamut periarfissagissaarnerunissaat eqqarsaatigalugu qanoq periarfissaqarnersut paaserusunnarpoq.
2. Nalik Venturesip siunnersuisarfittut tapiissuteqarnissamullu atorneqartup sinerissamut angalasinnaaneri annertusarneqartariaqarneri.
3. Inuussutissarsiummik aallartitsiniartup akiitsoqarsimagunik killeqanngitsumik akimmiffiussanngitsut siunnersuutigineqarpoq, tamanna akiitsut akilersorneqarnissaannut piumasaqaateqarfittaqarsinnaanera eqqarsaatigineqartariaqarpoq.

Tusarniaanermi akissutigineqarsimasut eqqaasagaanni sulisitsisut peqatigiiffianniit tikkuarneqartoq tassaavoq aningaasaninngooq annikitsunik attartortitsisarneq ilalersunngilluinagaat, attartortuninngooq nakkutilliineruinnarmat. Sulinermilli inuussutissarsiuuteqartut aaqqissuusinerup iluatsilluarnera akissutiminni taasimavaat.

INUIT ATAQATIGIIT INATSIARTUNI



Inuit Ataqatigiinni isumarput tassaavoq periarfissaq inuussutissarsiutissamik isumassarsinermit piviusunngortinnissaanut aqutissatialaasoq, aammalu tapiiffiqeqarsinnaasunngortut isumassarsiat assigiinngisitaarnerulerneriluaqutaanngitsoornaviannngitsut isumaliorpugut, minnerunngitsumilliluaqatigiit amerlasuut pisariaqartikkaat. Amigaataaginnarluni Nalik Ventures'ip ersarinnerunissaa, aningaasaliisutaasartulli annertunerusinnaaneri eqqartugassaqqitsipparput.

Partiit allat isumaat tusassallugu qilanaaralugu.

Siunnersuut tapersorsorparput qulaajagassaqarlutali misigaagut taamaammat ataatsimiititaliamut susassaqartumut ingerlateqqipparput.

Qujanaq.